



**Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog kantona/Kantonalno
tužiteljstvo Središnja Bosna
Travnik**

**Broj: A 808/25
Travnik, 21.11.2025. godine.**

Na osnovu člana 30. Zakona o Kantonalnom tužilaštvu/tužiteljstvu Srednjobosanskog kantona/Kantona Središnja Bosna (Sl. novine SBK/KSB broj 14/02), člana 34. Zakona o radu (Sl. novine F BiH broj 26/16), člana 118. Pravilnika o unutrašnjem poslovanju, organizaciji i sistematizaciji radnih mjesta u Kantonalnom tužilaštvu Srednjobosanskog kantona, te člana 20. i članova 23.-26. Zakona o namještenicima u organima državne službe u Federaciji BiH ("Službene novine F BiH" broj 49/05 I 103/21), člana 64. Pravilnika o unutrašnjem poslovanju, organizaciji i sistematizaciji radnih mjesta u Kantonalnom tužilaštvu Srednjobosanskog kantona i Zaključka Vlade SBK broj: 01-04.1-10060/2025-14 od 13.11.2025. godine, Glavni kantonalni tužilac raspisuje

JAVNI OGLAS

**za prijem lica na stručno osposobljavanje na praksu u Kantonalno tužilaštvo
Srednjobosanskog kantona i prijem namještenika**

1. Lice na stručnom osposobljavanju, diplomirani pravnik 2 (dva) izvršioca
Lice na stručnom osposobljavanju se prima na stručno osposobljavanje u trajanju od 2 (dvije) godine, **bez zasnivanja radnog odnosa** (volonterski rad).

2. Viši referent – daktilograf 1 (jedan) izvršilac, na neodređeno vrijeme
Opis poslova pod 1:

Lica na stručnom osposobljavanju raspoređuju se na sve vrste poslova kako bi stekli praktično iskustvo na svim poljima rada u tužilaštvu, u skladu s godišnjim planom, a po nalogu Glavnog tužioca, mogu biti raspoređeni i u druga tužilaštva i sudove.

Uslovi za obavljanje poslova pod 1:

Pored općih uslova predviđenih članom 25. Zakona o državnoj službi u Federaciji Bosne i Hercegovine, (da je državljanin Bosne i Hercegovine, da je stariji od 18 godina, da ima univerzitetsku diplomu ili druge obrazovne ili akademske kvalifikacije najmanje VII stepena, da nije obuhvaćen odredbom člana IX.1. Ustava BiH), kandidat za lice na stručnom osposobljavanju treba ispunjavati i posebne uslove oglasa i to: VSS/VII stepen, Pravni fakultet, odnosno visoko obrazovanje prvog ili drugog ciklusa bolonjskog sistema studiranja pravne struke koji se vrednuje sa najmanje 240 ECTS bodova.

Uz prijavu na oglas koja sadrži kratku biografiju, adresu i kontakt telefon, kandidat mora priložiti original ili ovjerenu kopiju slijedećih dokumenata:

- uvjerenje o državljanstvu (ne starije od šest mjeseci),
- diplomu o završenom fakultetu,
- uvjerenje o poznavanju rada na računaru,
- prosjek ocjena završenog studija (uvjerenje od fakulteta)
- dokaz o dužini trajanja nezaposlenosti (uvjerenje nadležne Službe za zapošljavanje)

Kandidati koji budu izabrani za lice na stručnom osposobljavanju uvjerenje o zdravstvenoj sposobnosti, izjavu ovjerenu od strane nadležnog organa da nije obuhvaćen odredbom člana IX.1 Ustava Bosne i Hercegovine i Izvod iz Matične knjige rođenih mogu dostaviti u roku od 8 dana od dana prijema obavijesti o rezultatima javnog oglasa.

Izbor između prijavljenih kandidata, koji ispunjavaju sve uslove oglasa izvršit će se intervjuom koji se sastoji od odgovora na postavljena pitanja iz pojedinih oblasti prava.

Opis poslova pod 2:

-kreiranje tužilačkih pismena po naredbi tužioca, formiranje dostavnica za pismena koja se dostavljaju van tužilaštva, preuzimanje i vraćanje spisa u spremišta za predmete, po unaprijed pripremljenim listama za svakog tužioca, registrovanje svih podnesaka primljenih u toku saslušanja, registrovanje svih radnji po naredbi tužioca, obavlja daktilografske poslove, obavlja daktilografske poslove na prijepisu i sravnjavanju materijala, ima kreiran korisnički nalog te kao korisnik TCMS obavezan je da postupi prema pravilima propisanim u Pravilniku TCMS, obavlja i druge poslove u okviru radnog mjesta po nalogu glavnog tužioca, zamjenika glavnog tužioca, tužioca, arhivara i šefa odsjeka za opće, administrativno-tehničke i pomoćne poslove.

Uslovi za obavljanje poslova pod 2:

Pored općih uslova utvrđenih u članu 24. Zakona o namještenicima u organima državne službe u Federaciji Bosne i Hercegovine (da je državljanin BiH, da je stariji od 18 godina, zdravstvena sposobnost za obavljanje poslova radnog mjesta, da ima vrstu i stepen školske spreme potrebnu za obavljanje poslova radnog mjesta, da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji BiH, odnosno u Bosni i Hercegovini, da nije obuhvaćen odredbom člana IX 1. Ustava BiH), kandidati trebaju ispunjavati i slijedeće posebne uslove utvrđene Pravilnikom o unutrašnjem poslovanju, organizaciji i sistematizaciji radnih mjesta u Kantonalnom tužilaštvu Srednjobosanskog kantona i to: SSS, IV stepen školske spreme, upravno-administrativni smjer, ekonomska škola, gimnazija, informatička škola ili druga odgovarajuća škola sličnog obrazovnog profila, najmanje 10 (deset) mjeseci radnog staža na istim ili sličnim poslovima, nakon sticanja srednje stručne spreme, položen stručni ispit, poznavanje rada na računaru.

Uz prijavu na oglas koja sadrži kratku biografiju, adresu i kontakt telefon, kandidat mora priložiti original ili ovjerenu kopiju slijedećih dokumenata:

- uvjerenje o državljanstvu ili ovjerenu kopiju CIPS-ove lične karte (ne starije od šest mjeseci),
- izvod iz Matične knjige rođenih (ne starije od šest mjeseci),
- Svjedočanstvo ili diplomu o vrsti ili stepenu školske spreme,
- ovjerenu izjavu da u posljednje dvije godine od dana objavljivanja oglasa nije otpušten iz državne službe kao rezultat disciplinske kazne na bilo kojem nivou vlasti u Federaciji BiH odnosno Bosni i Hercegovini,
- ovjerenu izjavu da nije obuhvaćen odredbom člana IX.1. Ustava Bosne i Hercegovine,
- potvrda/uvjerenje o radnom stažu na istim ili sličnim poslovima, nakon sticanja SSS (ne dostavljati kopiju radne knjižice)
- dokaz o položenom stručnom ispitu za namještenike (u skladu odredbi člana 32. stav 2. i 3. Zakona o namještenicima u organima državne službe u Federaciji BiH u slučaju

da kandidat nema položen stručni ispit, obavezan je isti položiti u roku od šest mjeseci od dana prijema u radni odnos u Kantonalno tužilaštvo Srednjobosanskog kantona ili će mu u protivnom prestati radni odnos o čemu će se donijeti rješenje),

-dokaz o poznavanju rada na računaru.

Izbor između prijavljenih kandidata, koji ispunjavaju sve uslove oglasa izvršit će se testiranjem, koje se sastoji iz pismenog dijela i usmenog dijela i to:

Pismeni dio testa se sastoji od:prekucavanje zadanog teksta (diktat i prijepis) s ciljem provjere brzine i tačnosti, te pravopisa i gramatike.

Usmeni dio testa ogleda se u obavljanju intervjua sa kandidatima.

Izabrani kandidat bit će obavezan dostaviti ljeakarsko uvjerenje o zdravstvenoj sposobnosti i uvjerenje da se ne vodi krivični postupak, prije stupanja u radni odnos.

Javni oglas ostaje otvoren 15 (petnaest) dana od dana objavljivanja.

Nepotpune, neuredne i neblagovremene prijave neće se uzeti u razmatranje.

Prijave sa dokazima o ispunjavanju uslova javnog oglasa mogu se dostaviti lično ili putem pošte na adresu:

Kantonalno tužilaštvo/tužiteljstvo Srednjobosanskog kantona Travnik, ulica Aleja konzula bb Travnik sa naznakom „Prijava na Javni oglas pozicija 1. ili 2.- NE OTVARATI“

**GLAVNI
KANTONALNI TUŽILAC-TUŽITELJ**

mr.sci. Fuško Šemsudin